



## **TIMBALAN KETUA MENTERI II PULAU PINANG LANCAR KARNIVAL NATIONAL TRAINING WEEK 2024 – PERINGKAT WILAYAH UTARA**

Minggu aktiviti latihan percuma untuk rakyat Malaysia kini sedia untuk memperkasa ekosistem pembelajaran dan pembangunan wilayah utara

**BUTTERWORTH, 25 Jun 2024** – Human Resource Development Corporation (HRD Corp) telah menganjurkan Karnival National Training Week (NTW) 2024 – Peringkat Wilayah Utara di Butterworth Arena, Pulau Pinang, hari ini. Majlis ini dirasmikan oleh Timbalan Ketua Menteri 2 Pulau Pinang, Yang Berhormat Jagdeep Singh Deo diiringi Yang Berbahagia Datuk Wira Shahul Dawood, Ketua Eksekutif HRD Corp.

NTW telah diperkenalkan pada tahun lepas sebagai minggu pertama yang memfokuskan kepada latihan di seluruh negara. Diterajui oleh HRD Corp, di bawah naungan Kementerian Sumber Manusia (KESUMA), ia merupakan minggu yang dipenuhi acara dan aktiviti latihan yang mengumpulkan organisasi serta individu dari pelbagai industri dan latar belakang untuk peluang pembelajaran serta pembangunan percuma.

NTW 2024, yang akan berlangsung dari 24 hingga 30 Jun 2024, adalah kesinambungan daripada kejayaan besar NTW 2023 yang diadakan pada Mei tahun lalu. Mengekalkan intipatinya untuk mempromosikan pembelajaran sepanjang hayat sebagai budaya dalam kalangan semua rakyat Malaysia, inisiatif sepanjang minggu ini menawarkan kursus latihan berimpak tinggi kepada rakyat Malaysia melalui usaha sama antara agensi kerajaan, sektor korporat, penyedia latihan, jurulatih, pengamal akademik dan individu.

Karnival NTW 2024 peringkat wilayah utara yang dianjurkan telah berjaya menarik lebih dari 1,000 pengunjung. Turut hadir pada majlis tersebut adalah Exco Belia, Sukan dan Kesihatan Negeri Pulau Pinang yang Berhormat Daniel Gooi Zi Sen, Ketua Pegawai Operasi PICCA Convention Centre, Encik James Chang dan barisan kepimpinan kanan HRD Corp.

Berucap ketika merasmikan majlis tersebut, Yang Berhormat Jagdeep Singh berkata, “Pulau Pinang sentiasa komited untuk bergerak sebagai pemangkin percambahan ekonomi negara. Untuk memastikan kita dapat mencapai visi tersebut, kita perlu meneroka peluang baru secara berterusan untuk menguatkan ekonomi kita dan melaksanakan berbagai bentuk inisiatif untuk memberi impak positif kepada rakyat. Demi mengekalkan status kita sebagai salah satu penjana utama ekonomi negara, Pulau Pinang perlu meningkatkan rantaian nilai dan menguatkan posisi negeri sebagai destinasi utama pemain industri elektrik dan elektronik serta semikonduktor dalam rantau ini. Oleh itu, negeri Pulau Pinang perlukan kerjasama erat dengan KESUMA dan HRD Corp untuk menambahbaik ekosistem latihan supaya dapat menghasilkan lebih pekerja berkemahiran tinggi untuk memuaskan permintaan industri.”

## UNTUK SIARAN SEGERA

25 Jun 2024

NTW 2024 berhasrat untuk melangkah lebih jauh dalam memberi inspirasi kepada rakyat Malaysia agar mengamalkan pembelajaran sepanjang hayat dalam perkembangan peribadi dan profesional mereka. Ini disasarkan dengan menawarkan lebih daripada 60,000 kursus percuma di seluruh negara, yang dijalankan melalui pelbagai saluran kepada lebih 200,000 rakyat Malaysia. Program latihan ini dijangka mencatat lebih 700,000 jam latihan dan memberikan nilai latihan sebanyak RM200 juta.

Yang Berusaha Encik Mohamad Farizul Yahaya, Ketua Pegawai Kewangan HRD Corp berkata, “Amalan pembangunan kemahiran dan pembelajaran adalah penting untuk memastikan tenaga kerja dan sektor perniagaan di Malaysia berada pada tahap kompetitif dalam dan luar negara. NTW 2024 adalah titik permulaan untuk menggalakkan rakyat Malaysia meningkatkan kemahiran secara berterusan; kesemua aktiviti pembangunan kemahiran telah melalui satu proses pemilihan teliti untuk memastikan warga setempat mendapat manfaat peningkatan pengetahuan dan kemahiran yang relevan untuk menyokong pembangunan individu serta pembangunan kerjaya mereka.”

Selain upacara pelancaran rasmi, majlis turut menampilkan beberapa aktiviti latihan dan pembelajaran menarik sepanjang hari. Antara aktiviti ini termasuk program *Digital Transformation Next Milestone for Industries and Businesses Next-Level Automation* bersama Pusat Pembangunan Kemahiran Pulau Pinang (PSDC), kelas asas *Internet of Things (IoT)* bersama Universiti Sains Malaysia (USM), Perancangan Kewangan dan Persaraaan Swasta oleh AHAM Assets Management dan pengenalan kepada *Arduino* oleh Tech Dome dan Intel. Selain itu, majlis ini juga membawakan MYFUTUREJOBS oleh PERKESO, yang menawarkan lebih 500 pekerjaan dari organisasi ternama kepada pencari kerja di Pulau Pinang.

Pada masa yang sama, HRD Corp dan rakan kongsinya di wilayah utara akan menawarkan 791 program latihan percuma di seluruh negeri di utara semenanjung Malaysia sepanjang minggu NTW 2024, ini termasuk 252 program di Pulau Pinang, 304 program di Perak, 67 program di Perlis dan 168 program di Kedah. Antara rakan kongsi termasuk UiTM Cawangan Pulau Pinang, Persatuan Penolong Pegawai Tanah Pulau Pinang Penang Infrastructure Corporation, Perak Entrepreneur and Skills Development Centre (PESDC), Universiti Malaysia Perlis (UNIMAP), Kolej Komuniti Bandar Darulaman,

NTW 2024 akan berakhir dengan karnival latihan dua hari di Stadium Bukit Jalil, Kuala Lumpur, pada 29 dan 30 Jun 2024. Acara pembelajaran selama dua hari ini akan menampilkan aktiviti menarik seperti Pancasains oleh Petrosains, Pengalaman EV oleh Proton, Klinik Sukan, Pertandingan Lego, pameran buku oleh Bookxcess dan Pameran Kerjaya MYFUTUREJOBS.

Untuk maklumat lanjut mengenai NTW 2024 dan untuk mendaftar bagi program latihan percuma sepanjang minggu ini, sila layari [www.nationaltrainingweek.gov.my](http://www.nationaltrainingweek.gov.my).

**-Tamat-**

## **UNTUK SIARAN SEGERA**

25 Jun 2024

### **Mengenai Human Resource Development Corporation (HRD Corp):**

Human Resource Development Corporation (HRD Corp) ditubuhkan pada tahun 1993 dengan dikenali sebagai Majlis Pembangunan Sumber Manusia (MPSM). Ia kemudian diperbadankan menjadi Pembangunan Sumber Manusia Berhad pada melalui pengubalan Akta Pembangunan Sumber Manusia Berhad 2001.

Sebagai sebuah agensi di bawah Kementerian Sumber Manusia, HRD Corp bertanggungjawab terhadap pungutan levi dari industri utama serta pengeluaran geran latihan melalui mekanik dalamannya yang dikenali sebagai Kumpulan Wang Pembangunan Sumber Manusia (KWPSM) atau Human Resources Development Fund (HRDF).

Pada April 2021, HRDF telah dijenamakan semula kepada HRD Corp. Perubahan nama ini adalah cerminan tanggungjawab, arah dan misi organisasi yang baharu. Ini termasuk memperluas usaha peningkatan kemahiran dan kemahiran semula pekerja kepada semua majikan dan individu warga Malaysia; di samping memberi peluang menjana pendapatan kepada semua komuniti yang memerlukan.

Transformasi ini sejajar dengan cita-cita HRD Corp untuk memacu aspirasi pengembangan bakat tempatan untuk jangka panjang.

Untuk maklumat lanjut, sila layari – [www.hrdcorp.gov.my](http://www.hrdcorp.gov.my)

### **Untuk pertanyaan media, sila hubungi:**

#### **Benjamin Lee**

Komunikasi Korporat, HRD Corp  
[benjamin@hrdcorp.gov.my](mailto:benjamin@hrdcorp.gov.my)  
019 517 3233

#### **Firdaous Fadzil**

Komunikasi Korporat, HRD Corp  
[khairulfirdaous@hrdcorp.gov.my](mailto:khairulfirdaous@hrdcorp.gov.my)  
017 515 5752